

Šumari se spremaju za Olimpijadu

Učenici će se takmičiti u obaranju stabla, preciznom i kombiniranom rezu, promjeni lanca i kresanju grana

Piše: **EMIRA ASOTIĆ**

Srednja škola za okoliš i drveni dizajn biće domaćin 14. Alpe-Adria šumarske olimpijade za učenike šumarskih škola iz Evropske unije i regiona, koja će se održati na lokalitetu devastirane Srednje šumarske škole na Ilidži 11. i 12. aprila. Na Olimpijadi će učestvovati 118 takmičara iz Austrije, Italije, Češke, Mađarske, Slovenije, Hrvatske, Bugarske, Makedonije, Srbije i BiH. Takmičenje će biti održano u nekoliko disciplina i to obaranje dubelog stabla, precizni rez, kombinirani rez, promjena lanca i kresanje grana.

- Ponosni smo što je naša škola organizator prestižnog takmičenja koje i u simboličkom smislu ima posebnu važnost jer su i 14. zimske olimpijske igre održane u Sarajevu, kazao je direktor ove srednje škole Muamer Muratović.

Podršku u organizaciji ovog događaja, prema riječima Muratovića, dali su pojedine općine, privatne firme, KJP Sarajevo-šume, KJU za zaštićena prirodna



Takmičenje će se održati na lokalitetu devastirane šumarske škole na Ilidži

Na Olimpijadi učestvuju takmičari iz Austrije, Italije, Češke, Mađarske, Slovenije, Hrvatske, Bugarske, Makedonije, Srbije i BiH

područja, a pomoć se očekuje i od Grada Sarajeva, Ministarstva za obrazovanje KS-a i drugih institucija.

- Radi se o velikom događaju i svaka pomoć nam je važna, jer se moraju pokriti troškovi iznajmljivanja razglasa, eko-toaleta, bine, angažovanja zaštitarske službe i mnogih drugih stvari, naveo je Muratović.